



JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU

Komunikadu Imprensa

30 Abril 2014

Komemorasaun Aniversáriu JSMP ba dala XIII: Lansa relatóriu Anual Observasaun Jerál ba Setór Justisa 2013 no Relatóriu Institusionál JSMP tinan 2013

Iha 30 Abril 2014, JSMP sei lansa relatóriu anual rua kona-ba Observasaun Jerál ba Setór Justisa tinan 2013, hamutuk ho relatóriu Institusionál JSMP ba 2013, no iha tempu hanesan komemora aniversáriu JSMP ba dala XIII ne'ebé monu iha 28 Abril liu ba kotuk.

JSMP ho laran haksolok tebes apresenta ba ba publiku relatóriu importate rua ne'e. Relatóriu rua ne'e konstitui analiza JSMP nian kona-ba progresu no dezafiu sira iha setór judisiáriu no prosesu lejislativu iha Parlamentu Nasionál, no akontesimentu importante sira ne'ebé JSMP observa iha tinan 2013.

“Hanesan tradisaun institusionál JSMP nian, kada tinan JSMP sei apresenta ba audiénsia no publiku Timor Leste enjeral kona-ba progresu no dezafiu sira ne'ebé ita nia instituisaun judisiáriu sira atinze no infrenta no dezemvolve rekomendasaun ba instituisaun kompetente sira atu hadia no hametin setór justisa, demokrasia no boa governasaun iha Timor Leste. Aleinde ne'e, JSMP mós apresenta atividade institusionál ne'ebé implementa durante tinan 2013 hanesan justifikasaun ba publiku,” “dehan Luis de Oliveira Sampaio, Diretór Ezekutivu JSMP.

JSMP rekuñese katak iha tinan 2013, setór judisiáriu atinzi progresu importante iha aspeitu balu ne'e inklui lala'ok tribunál movel ne'ebé kontinuasaun hodi hakbesik justisa ba ema sira ne'ebé hela dok husi área tribunál, maibe JSMP mós identifika buat balu hodi hadiak liu tan iha futuru. Liu-liu JSMP rekomenda tribunál sira atu maneja prioridade ba kazu sira ne'e nia frekuensia julgamentu aas hanesan kazu violénsia bazeia ba jéneru, abuzu seksuál hasoru menóres no violénsia doméstika. Relatóriu ne'e deskobre katak, hosi kazu krime hamutuk 481 mak JSMP monitoriza iha 2013, kazu hamutuk 222 mak involve ofensas ho natureza violénsia doméstika, ne'ebé konklui 46% hosi kazu krime sira ne'ebé lori ba tribunál.

JSMP mós rejista preokupasaun ho situasaun siguransa iha tribunál sira no lingua portuges iha setór justisa ne'ebé sei nafatin sai obstaklu atu asesu ba justisa no aseguara ema nia direitu ba justisa.

Durante 2013, JSMP mós observa Parlamentu Nasionál kontinua hatudu progresu signifikativu balu inklui observa Parlamentu nakloke an tan hodi simu hanoin sira hosi sosiedade sivíl relaciona ho aprovasaun lei importante foun balu inklui mós aprova orsamentu Jerál 2013, no alterasaun ba Lei Barankamentu Kapital no Finanseiru Terrorismu no provizaun relevantes iha Kódigu Penal. Maske nune'e JSMP observa Parlamentu Nasionál ladun produtivu kompara ho tinan sira liu ba kotuk.

JSMP rekomenda ba Parlamentu Nasionál atu kontinua hatudu progresu signifikativu balun inklui aprovasaun ba lei importante sira. JSMP Observa mós katak PN la-konsege debate no aprova lei importante sira hanesan projetu Lei Anti Korupsaun, Lei Pensaun Vitalista, Esbosu Lei Reparasaun no Institutu Memoria Publiku no Lei Pakote ba Rai.

JSMP hakarak hato'o agradesementu ba autór judisiál sira, Membru Parlamentu sira no entidade relevantes ne'ebé kolabora no fo ona sira nia kontribusaun ba JSMP hodi produs relatóriu ida ne'e. Relatóriu ne'e, sei disponivel iha JSMP nia website: www.jsmp.tl depoisde lansamentu ne'e.

JSMP mós hato'o agradesementu no apresiasaun ba doador sira ne'ebé durante ne'e fo apoiu maka'as ba programa JSMP ninian. Doadores hirak ne'e mak hanesan Governu Australia liu husi AusAID no Justice Support Facility, Governu Norvega, UNICEF, UNDEF no Governu Finlandia.

Atu hetan informasaun kle'an liu tan favor kontaktu:

Luis de Oliveira Sampaio
Diretór Ezekutivu JSMP
Diresaune-mail: luis@jsmp.minihub.org | info@jsmp.minihub.org
Telefone: 3323883 | 77295795
Website: www.jsmp.tl